



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Cvræ Pastoralis Præcipve Circa Repentina & Generaliora

Possevino, Giovanni Battista Bernardino

Coloniæ Agrippinæ, 1645

Qvinto. Excommunicantur noua pedagia, & gabella imponentes, vel
augentes.

urn:nbn:de:hbz:466:1-42220

60. *An restituenda iuxta legem principis. Si vero dum restitutionem cogitabas fuisti in mora. Te teneri maledicto.*

Pontificis, seu alterius Principis, vel Camera-rij, Thesaurarij, vel alterius Papæ officialis lege cauetur, ut statim talia bona dentur Armiraglio, vel alij determinatæ personæ, num tenearis ita agere? Quis dubitat, cum lex sit rationalis, & ad evertendas fraudes solitas in similibus?

Si tamen iuxta regulas generales restitutionis restituas, rectè restitues.

61. *Non præscribuntur.* Bona ista nullo tempore, nullo vè priuilegio, vel nulla consuetudine præscribuntur. *Bulla.*

Q V I N T O.

Excommunicantur noua pedagia, & gabella imponentes, vel augentes.

62. *Imponens nouas gabellas.* Quinta excommunicatio est contra imponentes pedagia, vel eas augentes.

63. *Pedagium quid.* Pedagium & gabella pro hac censura idem important, vulgariter dicuntur Datio, Doüiana, Gabella, communiter imponuntur pro inuectione mercium, pro emptione, vel venditione rerum, pro transitu, vel ducatu earundem. *Tolet. lib. 1. c. 22. num. 7.*

64. *Veterem renouas.* Si imponis veterem gabellam paulò ante sublatam, credo te censuræ reum, quia verè imponis, quod à bulla verisum.

65. Ex-

65. *Excedis in impositione.* Imponis gabellam istam quidem, sed excedis, ligaris maledicto, quia iniustam exigis.

66. *Si excessus modicus.* Si excessus est modicus, videlicet oboli; credo te excommunicari, quia summa non respicit obolum, sed multos exigendos, & summa euadit notabilis.

67. *Imponis, sed facti pœnites.* Imponis obolum, sed ante exactiōem pœnitentia ductus euocas? afficeris censura, quia imposita, & de notabili, vt est dictum.

68. *Si prodigè.* Imponis gabellam exhaustoario etiam prodigè, non ligaris censura, quia istam (vt supponitur) imponis. *Les. lib. 2. c. 33. lib. 6. num. 48.* ligaris, si imponas ad luxum vel prodigalitatē. *Les. c. 33. n. 1.*

69. *Talia collecta.* Imponis taliam, præstantiam, collectam vel tributum, non teneris excommunicatione. *Caiet. excom. 71. Suarez l. d. d. 21. sect. 2. n. 41. Say. cap. 9. num. 10.*

70. *Imponit quis gabellam.* Imponunt: Iustus gabellam imponit omnis, qui in temporalibus superiorem non recognoscit, & à quo non appellatur, vt Imperator, Rex, Respublica libera, Concilium generale, & ille cui competit ex consuetudine antiqua, de qua non extat memoria in contrarium. *Nau. c. 27. nu. 61. Suar. ib. nu. 16. Tol. l. 1. c. 22. num. 10. Say. c. d. num. 14 15. 16. 17.*

71. *Gabella quando iustè imponitur.* In casibus sibi à iure permissis. Tales sunt, qui sunt cum causa rationabili, vel respiciunt publicam utilitatē, vel sunt de rebus delatis causa mer-

cimonij, vel negotij: Ideo iniuste imponitur gabella rebus ad vitam, rebus ad agrum colendum, ad proprium usum, ad propriam defensionem necessarijs. Sayr. *ibi num. 6.*

72. *Gabella natura iniusta, quando euadit iusta.* At & de his iusta. Primò si publica necessitas ita cogat, & vectigalia aliunde collecta non sufficiant. Reduc huc, si imposita sit pro sustentatione Principis, & decentiæ eius. Tol. *lib. 5. c. 72. num. 4.* Less. *ibi. dub. 6. à capite.* Secundò, si quidem sine necessitate, sed tamen sint imposita pro causa publica, ex consensu totius populi. Tertiò, si pro securitate publicarum rerum deuectarum, quando alia ratione earum securitati consuli nequit. Sed hæc benè reducitur ad primam causam. Quartò, si ita sit consuetudo immemorabilis, id est, supra centum annos, dummodo causa duret; pro qua imposita: Imò etiam si non duret, quia tunc præsumendum causam legitimam in locum prioris successisse. Less. *ibi. dub. 7.*

73. *Gabella moderata.* Secundus casus iustæ gabellæ, seu gabella secundo modo iusta est, si modus seruetur. Non debet excedere quartam partem valoris mercis. Tol. *lib. 5. cap. 73. num. 8.* quod est quatuor pro centenario singulo.

74. *Si cum auctoritate.* Tertiò, gabella iusta est, si indicta ab habente auctoritatem, ut est dictum.

75. *Si continuat cum causa.* Quartò si non continuatur diutius quam causa ex postulat. Less. *l. d. cap. 33. dub. 6. Omnes. excipe, ut est dictum. num. 81.*

Et pro-

Et prohibita imponi exigunt.

Ligantur canone exigentes, ministri, famuli, conductor, & herus qui mandat ea exigi; etiam qui tanquam debira postulat. Suar. & Nau. *ibi.* de Graf. lib. 4. cap. 18. num. 83.

76. *Licentiam imponendi gabellas, quis det.* Ex speciali Sedis Apostolicæ licentia.

Princeps supremus, seu liber, sine ea licitè gabellas imponit, ut est dictum.

S E X T O.

Excommunicantur falsarij litterarum Apostolicarum, aut supplicationum, à quocunque auctoritatem habente signatarum, & falso fabricantes literas Apostolicas.

77. *Falsarij.* Sexta excommunicatio est contra falsarios litterarum Apostolicarum, siue litterarum sicut viui siue mortui.

78. *Falsificatio fit per se.* Falsificatio, ad inducendam hanc censuram, debet fieri per se. Suar. lib. 21. sect. 2. nu. 48. Falsificans verò per alium reus est censuræ, c. *ad falsariorum, de crim. fals.* sicut sunt fautor, & defensor, nemini reseruata.

79. *Falsarius quis.* Falsarius est, qui litteras mutat, ita ut non valentes faciat valere; vel valentes faciat magis valere, omnes. Siue hoc agat modis recensitis à cap. *licet, de crim. fals.* siue quibusuis alijs, vide *ibi Ostiens.* Ita ut falsificatio fiat siue in scriptura, siue in plumbo, vel in sigillo. *Omnes.*

80. *Falsificatio modica.* Falsificas litteram, vel punctum, quidam volunt te censura ligari. Caiet. *excom. 26. sine,* & citati à Say. ut infra.